

文淵閣

影印

四庫全書

影印

文淵閣四庫全書

第九〇四冊

北京出版集團公司
北京出版社

本冊目次

冊府元龜(三)

宋
王欽若
楊億等奉敕撰……一

欽定四庫全書

子部
冊府元龜卷一百七
十

詳校官中書臣瞿照

員外郎臣牛稔文覆勘

總校官庶吉士臣何思鈞

校對官中書臣王璦

謄錄貢生臣湯安泰

欽定四庫全書

冊府元龜卷一百七

宋王欽若等撰

帝王部

朝會第一

夫春朝夏宗秋覲冬遇天子端委而嚮明諸侯輯瑞而畢會九賓在位三揖成禮號令憲章於是乎出聲名文物罔有不備寅恭者加禮怠惰者貶爵所以訓上下之則正君臣之序教庶民以事上示率土以大同也夏禹

欽定四庫全書

冊府元龜
卷一百七

之塗山刑辟以討後至康王之艷宮慈惠以接來庭三代之制於斯為盛厥後質文雖異因革同歸罔不修其班制差其功位既以述職亦用講禮盖昧爽而聽政人君之盛儀假寐而待旦人臣之忠節臨三軍者以之生懼有家邦者其可忽此至若甘泉受計露門頒令小正以和見仲夏以咸覲奉乎皮幣錫以車馬發樽以求諫交戟以宣威此歷代之遺美前王之令範書之方冊可為彛訓隋氏而上火多闕文唐室而下所記詳悉並詮

次其事列之於篇其有長樂之尊承華之貴三元慶賀
率為典故以至國家多事因而廢朝咸附之言爾

虞舜正月上日受終於文祖上日朔日也終謂堯終帝位之事文祖者堯始祖之

廟輯五瑞既月乃日覲四岳羣牧班瑞於羣后輯致既班還后君也舜致公侯伯子男之瑞圭璧璚以正月申乃日見四岳及九州牧監還五瑞於諸侯與之正始也

夏禹合諸侯於塗山執玉帛者萬國諸侯執玉帛者萬國帛塗山在壽春東

北周成王即位少周公攝政朝諸侯於明堂之位周公攝王位以

欽定四庫全書

冊府元龜
卷一百七

明堂之禮儀朝諸侯天子負斧戣南向而立天子周公也負之言

背也斧戣為斧文屏風於戶牖之間周公於前立焉三公中階之前北面東上諸

侯之位阼階之東西面北上諸伯之國西階之西東面

北上諸子之國門東北面東上諸男之國門西北面東

上九夷之國東門之外西面北上八蠻之國南門之外

北面東上六戎之國西門之外東面南上五狄之國北

門之外南面東上九采之國應門之外北面東上四塞

世告至此周公明堂之位也朝之禮不於此周公權用之也朝位之上近主位尊

也九采九州之牧典貢職者也正門謂之應門二伯帥諸侯而入牧居外而糾察之也四塞謂夷服鎮服在四方為蔽塞者新君即位則來朝周禮侯服歲一見甸服二歲一見男服三歲一見采服四歲一見衛服五歲一見要服六歲一見九州之外謂之蕃國世一見

康王既尸天子尸主也主天子之位號出在應門之內出阜門立應門內之

中庭太保帥西方諸侯入應門左畢公率東方諸侯入

應門右二公為二伯各率其所掌諸侯隨其方為位皆北面皆布乘黃朱諸侯皆陳四黃

馬朱鬣以賓稱奉圭兼幣曰一二臣衛敢執壤奠賓稱奉圭兼幣曰一二臣衛敢執壤奠賓稱奉圭兼幣曰一二臣衛敢執壤奠

敢執壤奠地所皆再拜稽首王義嗣德答拜康王以義繼先人明德答

欽定四庫全書

冊府元龜
卷一百七

其拜受太保暨芮伯咸進相揖皆再拜稽首家宰與司徒皆共羣

臣諸侯並進陳戒不其後康王又有酆宮之朝酆宮在始平鄠縣

東有靈臺康王於是朝諸侯

穆王有塗山之會

漢高帝七年長樂宮成諸侯羣臣朝十月高帝因秦制以十月為歲

首用叔孫通新儀先平明謁者治禮引以次入殿門庭

中陳車騎步卒衛官設兵張旗志志與幟同音式餌切傳言趨傳

教入者皆令趨殿下郎中俠陛陸數百人俠與夾同俠謂疾行為敬也

皆數百人也功臣列侯諸將軍軍吏以次陳西方東鄉文官

丞相以下陳東方西鄉大行設九賓臚句傳上傳語告下為臚下

告上為句也大行掌賓客之禮今之鴻臚也九賓則周禮九儀也公侯伯子男孤卿大夫士也臚音盧於

是皇帝輦出房百官執戟傳警傳聲而唱警引諸侯王以下

至吏六百石以次奉賀自諸侯王以下莫不震恐肅敬

至禮畢盡復置法酒法酒者猶言禮酌謂不飲之至醉諸侍坐殿下皆

伏抑首抑屈也謂禮法不敢平坐而視以尊卑次起上壽觴九行謁者

罷酒御史執法舉不如儀者輒引去竟朝置酒無敢謹

欽定四庫全書冊府元龜卷一百七四

譁失禮者於是高帝曰吾乃今日知為皇帝之貴也

武帝元封五年春南巡狩還增封泰山因朝諸侯王列

侯受郡國計計若今諸州計帳也

太初元年春受計於甘泉

天漢四年正月朝諸侯王於甘泉宮

後元二年正月朝諸侯王於甘泉宮

宣帝神爵元年六月詔曰軍旅暴露轉輸煩勞其令諸

侯王列侯蠻夷王侯君長當朝二年者皆毋朝

後漢安帝永初四年正月元日會徹樂不陳充庭車每大

朝會必陳法物車輦於庭故曰充庭車以年饑故不陳

魏齊王景初元年正月即位七月始親臨朝聽公卿奏

事

晉武帝泰始六年正月丁亥朔帝臨軒不設樂史不載其所以

不設樂之故

元帝大興元年正月戊申朔臨朝懸而不樂時懸帝蒙塵

明帝太寧元年三月戊寅朔改元臨軒

欽定四庫全書冊府元龜卷一百七五

二年正月丁丑帝臨朝停饗宴之禮

穆帝永和六年帝臨朝以諸哀喪故懸而不樂諸哀康獻皇后

父之

七年正月丁酉朔日有食之先是廷尉王彪文與揚州

刺史殷浩書曰太史上元日合朔談者或有疑應却會

與不昔建元元年亦元日合朔唐車騎寫劉孔才所論

以示八座于時朝議有謂孔才所論為不得禮儀苟令

從之是聖人之一失也何者禮云諸侯旅見天子入門

不得終禮而廢者四太廟火日蝕后之喪雨雪服失容
尋此四事之指自謂諸侯雖已入門而卒暴有之則不
得終禮非謂先存其事而微倖史官推術錯謬故不預
廢朝禮也夫三辰有災莫大日蝕史官謹而無懼容不
修預防之禮而廢消救之術方大饗華夷君臣相慶豈
是將虔天災罪已之謂且檢之事實合朔之儀至尊靜
躬殿堂不聽政事冕服御坐門闥之制與元會禮畢自
不得兼行則當權其事宜合朔之禮不輕於元會元會

欽定四庫全書

冊府元龜
卷一百七

六

有可却之準合朔無可廢之儀謂應依建元故事却元
會浩從之竟却會

十年正月己酉朔帝臨朝以五陵未復懸而不樂

十二年正月丁卯帝臨朝以皇太后母喪懸而不樂

恭帝元熙元年正月壬辰朔改元以山陵未厝不朝會

後魏大武正平元年正月丙戌朔帝南伐臨江大會羣

臣於江上

孝文太和十年正月癸亥朔帝始服袞冕朝饗萬國

十五年十一月丙戌初罷小歲賀小歲謂冬至

十八年春正月丁未朔朝羣臣於鄴宮澄鑾殿

十九年十二月乙未朔引見羣臣於光極堂甲子又引

見羣臣於光極堂班賜冠服

出帝太昌元年十二月戊戌朝會百官於太極前殿

後周武帝保定五年春正月甲申朔廢朝以康國公王

雄死王事故也

天和六年春正月己酉朔廢朝以路門未成故也

欽定四庫全書

冊府元龜
卷一百七

七

建德三年正月壬戌朝羣臣於路門

宣帝大象元年正月己丑受朝於路門帝服通天冠絳

紗袍羣臣皆服漢魏衣冠大赦改元

二年正月丁亥帝受朝於道會苑

唐高祖武德九年正月庚寅朔廢朝雨也

太宗貞觀十一年正月朔帝臨軒懸而不樂禮也為高祖受

故

十三年正月僕射房玄齡奏天下太平萬機事簡請三

日一臨朝詔許之

十五年正月庚午朔帝常服不臨軒行幸維陽宮衣冠禮樂闕設也

二十年正月甲子朔太宗常服不臨軒行在故也是年征遼

回

高宗貞觀二十三年即位九月十一日太尉無忌等奏請視朝坐日帝報曰朕登大位日夕孜孜猶恐壅滯衆務自今已後每日常坐

欽定四庫全書

冊府元龜
卷一百七

八

永徽二年八月二十九日下詔來月一日太極殿受朝此後每五日一度太極殿視事朔望即為常式四年正月癸丑朔帝臨軒懸而不樂以濮王泰在殯故也

六年正月壬申親謁昭陵甲戌至自昭陵庚子受朝賀於太極殿

顯慶二年二月太尉長孫無忌等奏以天下無虞請隔日視事許之

中宗神龍元年四月癸亥初令文武官四品已上每朔

望叅日升殿食丙子以時屬炎暑制令每隔日方坐左

拾遺斬常上疏諫不納事具諫諍直諫門

二年正月庚子朔以則天皇后梓宮在殯不朝會

睿宗太極元年正月癸丑釋慘服御正殿奏廣樂於庭

受皇太子及百官朝賀

玄宗先天二年正月太上皇詔正月十五日朝改取十

一日每年皆然又非朔望日而同朔望受朝者前後有

欽定四庫全書

冊府元龜
卷一百七

九

詔非一

開元四年正月戊寅朔帝御正殿受朝賀禮畢親朝太

上皇于西宮

五年正月壬寅朔帝不受朝太上皇喪制故也

七年正月辛卯朔御含元殿受朝仗衛如常儀

八年十一月中書門下奏曰伏以冬至一陽初生萬物

潛動所以自古聖帝明王皆於此日朝萬國視雲物禮

之大者莫逾是時其日亦祀園丘皆令攝官行事質明

既畢日出視朝國家已來更無改易緣新格將其日記園丘遂改用小冬至日受朝若親拜南郊受朝須改既令攝祭禮不可移伏請改正從之因勅自今冬至日受朝永為常式

十年正月癸卯朔御含元殿受朝賀

十一年十二月二十四日勅萬春公主薨廢元日朝賀

十六年正月戊戌朔始聽政於興慶宮朝賀如常儀臣

若等曰興慶宮聽政自此始十一月乙巳日南至御含元殿受朝賀

欽定四庫全書

冊府元龜
卷一百七

十

如常儀

十八年正月癸酉御含元殿受百寮朝賀如常儀

二十一年正月庚子朔御含元殿受朝賀如常儀

二十二年閏十一月壬午朔日有食之是日長至停朝

癸未御應天樓受朝賀是日詔諸州考使六品以下朔

望日朝宜准例賜食

二十三年正月戊申朔御含元殿朝賀如常儀

二十六年正月庚午朔御含元殿朝賀如常儀

二十八年正月戊子朔御含元殿朝賀如常儀

二十九年正月癸未朔御含元殿朝賀

天寶元年正月丁未朔御勤政樓受朝賀大赦天下改

開元三十年為天寶元年

二年正月辛丑朔御含元殿受朝賀

三載正月丙辰朔御含元殿受朝賀

四載正月己未朔御含元殿受朝賀

五載正月癸丑朔御含元殿受朝賀

欽定四庫全書

冊府元龜
卷一百七

十一

六載正月辛巳朔御含元殿受朝賀是月詔曰今勝殘

在運無事為心願此朝儀當符至理既時非盱食將致

昇平而廷設殺刑何成在宥其每日立仗食及杖鋌等

並宜停廢十一月辛卯朔引朝集使及貢舉人見十二

月丙寅仗下後百官於尚書省閱貢物

七載正月壬申朔御含元殿受朝賀

八載正月丙寅朔御含元殿受朝賀

九載正月庚寅朔帝御華清宮受朝賀

十載正月乙酉朔御含元殿受朝賀十一月丙午冬至御觀風樓受朝賀

十一載正月己卯朔帝御華清宮受朝賀

十二載正月癸卯朔帝御含元殿受朝賀

十三載正月丁酉朔幸華清宮御觀風樓受朝賀

十四載正月庚申朔御含元殿受朝賀

十五載正月乙卯朔御宣政殿受朝賀

肅宗至德三載正月甲戌朔御含元殿受朝百官上壽

欽定四庫全書

冊府元龜
卷一百七

十三

稱賀

乾元二年十一月丁亥冬至帝朝聖皇於興慶宮翌日

受朝於含元殿

三年正月癸亥朔帝御含元殿受朝中書令代國公子

儀攝太尉上壽稱賀朝退百僚於宣政殿起居聖皇乙

丑常服於崇明門通賀皇太子丙寅外命婦朝皇后於

光順門內殿

上元二年正月丁亥朔御含元殿受朝賀禮畢百官起

居聖皇已丑外命婦朝皇后百官賀皇太子

元年建子月壬午朔帝御含元殿受朝賀畢羣臣起居

聖皇癸未內外命婦朝皇后百官起居皇太子戊戌冬

至受朝賀禮畢朝聖皇於西宮百官進名起居

代宗廣德二年正月己亥朔御含元殿受朝賀如常儀

六月丁卯朔始御宣政殿受朝以國哀終制故也凡朔

望朝於殿前舊章也九月乙未朔自八月連雨至是日

不止宰臣元載等奏曰准儀制令泥雨合停朝參今緣

欽定四庫全書

冊府元龜
卷一百七

十三

軍國事繁准式停朝恐有廢闕望延三刻傳點從之十

一月甲寅是日長至御含元殿受朝賀仗衛如常儀禮

畢百官詣崇明門進名謁皇太子

永泰元年正月癸巳朔御含元殿下制大赦天下宣制

畢乃受朝賀禮畢百官詣崇明門進名謁皇太子十一

月己未是日長至御含元殿受朝賀仗衛如常儀禮畢

百官詣崇明門進名謁皇太子

二年正月丁巳朔御含元殿受朝賀仗衛如常儀禮畢

百寮詣崇明門進名謁皇太子十一月甲子長至御舍
殿下制大赦改元大歷宣制畢乃受朝賀禮畢百寮詣
崇明門進名謁皇太子

大歷二年正月壬子朔御舍元殿受朝賀仗衛如常儀
禮畢百寮詣崇明門進名謁皇太子十一月己巳長至
御舍元殿受朝賀仗衛如常儀禮畢百寮詣崇明門進
名謁皇太子

三年正月丙午朔御舍元殿受朝賀仗衛如常儀禮畢

欽定四庫全書

冊府元龜
卷一百七

十四

百寮詣崇明門進名謁皇太子十一月甲戌長至御舍

元殿受朝賀仗衛如常儀禮畢百寮詣崇明門進名謁

皇太子

八年正月丁丑朔御舍元殿受朝賀仗衛如常儀禮畢

百寮詣崇明門進名謁皇太子閏十一月壬寅朔冬至

御舍元殿受朝賀仗衛如常儀禮畢百寮詣崇明門進

名謁皇太子

九年正月庚子朔御舍元殿受朝賀仗衛如常儀禮畢

百寮詣崇明門進名謁皇太子十一月甲戌長至御舍
元殿受朝賀仗衛如常儀禮畢百寮詣崇明門進名謁
皇太子是時四方無事間日坐朝雙日不復入閣

十年正月乙未朔御舍元殿受朝賀仗衛如常儀禮畢
百寮詣崇明門進名謁皇太子十一月丙午長至詔停
賀邇梁王葬期也

十一年正月庚寅朔御舍元殿受朝賀仗衛如常儀禮
畢百寮詣崇明門進名謁皇太子十一月丁巳冬至御

欽定四庫全書

冊府元龜
卷一百七

十五

舍元殿受朝賀仗衛如常儀禮畢百寮詣崇明門進名
謁皇太子

十二年八月以久雨有常參百寮不許御史點班

十三年正月戊申朔御舍元殿受朝賀仗衛如常儀仗

以後百寮詣崇明門進名謁皇太子十一月丁卯長至

命有司祀昊天上帝于南郊不視朝戊辰上御舍元殿

朝賀仗衛如常儀禮畢百寮詣崇明門進名謁皇太子

十四年正月壬寅朔御舍元殿受朝賀仗衛如常儀禮

畢百寮詣崇明門進名謁皇太子

德宗建中元年十一月辛酉朔朝集使及貢使見於宣政殿兵興以來四方州府不上計內外不會同者二十有五年至此始復舊典凡州府計吏至者一百七十有三又命朝集使二人每日待制丁丑日南至戊寅御含元殿受朝賀初令親王出閣就班

二年正月庚申朔御含元殿受朝賀四方貢賦珍寶列為庭實復舊制也

欽定四庫全書

冊府元龜
卷一百七

十六

三年正月乙卯朔御含元殿受朝賀

四年正月戊寅朔御含元殿受朝賀禮畢以建中元歷二十八卷示百寮初司天少監徐承嗣奏來年歲次甲子應上元首請修新歷至是成羣臣稱賀

貞元元年七月關中蝗食禾稼無孑遺穀大貴八月甲子詔不御正殿奏事悉於延英庚寅視朝於延英殿羣臣列位於延英門外申甲子之詔也丁丑雨戊寅中書門下上言陛下前以愆陽經時避居正殿凡在臣庶無

任兢惶今至誠感通嘉雨露洽允渠授首同類格心臣等敢昧死請自今以後依常儀御正殿詔曰可十二月丁亥詔曰朕以眇身仰承列聖不能纂修先志以洽昇平馴致寇戎屢興兵革上玄降警蝗旱為災年不順成人方歉食言念於此實用傷懷是以齋心別宮與人祈穀雖陽和在候而黔首無聊稱慶於予竊所不敢其來年正月一朝賀宜罷

三年正月丙戌朔停朝賀以大行皇后在殯故也庚寅

欽定四庫全書

冊府元龜
卷一百七

十七

百寮以停朝賀及是歲假滿於崇明門奉慰皇太子

四年五月庚戌朔御含元殿受朝賀畢御丹鳳門樓大赦天下

五年正月壬辰朔御含元殿受賀

六年正月癸卯朔不視朝先是有司奏元日日有食之遂停朝會及時不食百寮皆賀五月丙寅朔上御紫宸殿受朝先是上以五月一陰生臣子道長君父道衰非善月也父子必以是朔面焉臣子一例因令是月朝見

初將冕服御宣政殿塗潦乃以常服御紫宸殿

七年正月壬戌朔帝不視朝以去年冬親郊故也四月詔曰仲夏之時陽德方盛陰事始承聖賢因天地交會之時為父子咸覲之禮既行親戚豈隔君臣自我為初申恩卿士起今年五月朔御宣政殿召見文武百官九品以上外官因朝奏咸聽就列仍編入式以為常典五月庚申朔御宣政殿朝見百官書新禮也十一月丁亥日南至不視朝

欽定四庫全書

冊府元龜
卷一百七

六

八年正月丙辰朔御含元殿受朝賀五月乙卯朔御宣政殿受朝賀

九年正月庚辰朔御含元殿受朝賀禮畢上賦退朝觀軍仗歸營詩以示宰臣等

十年正月乙亥朔罷朝賀之禮以九年冬郊祀故也

十一年正月庚午朔御含元殿受朝賀五月朔帝御宣政殿受朝八月辛卯廢朝以故端王太妃薨故也十一月丙辰日南至不受朝賀

十二年正月甲午朔御含元殿受朝賀

十三年正月朔御含元殿受朝賀是月御史臺奏諸司常叅文官隔假三月已上並橫行叅假其武班每月先

配九叅六叅

九叅謂每月九次朝叅六叅謂每月六次朝叅

比來或經冬至及

歲首寒食等三節假滿不是本配入日並不橫行事實

乖闕請從今已後每經三節假滿縱不是本配入日其

前件官請依文官例橫行叅假庶幾周行式序可之五

月丙戌朔以雨罷御宣政殿是月帝以累月天陰街鼓

欽定四庫全書

冊府元龜
卷一百七

九

聲暗百官入朝多走馬奔馳是日令宣示宰臣及百官曰卿等朝謁是常或陰雨不聞鼓聲則不免奔波走馬忽有墜損深軫朕懷自今已後縱鼓聲差池亦不得走馬并時暑稍甚及雨雪泥潦亦量放朝叅宰臣等上表陳謝

十四年正月朔御含元殿受朝賀五月朔御宣政殿受朝

十五年正月朔御含元殿朝賀五月朔以雨罷御宣政

殿十一月罷冬至朝賀以興兵討蔡州吳少誠也

十六年正月御舍元殿受朝賀五月朔以雨罷御宣政殿是月壬戌以徐州節度張建封卒廢朝近例節度使帶僕射已上者卒廢朝三日尚書已下一日都團練觀察使則否洎貞元八年嗣曹王臯李自良皆知節度帶尚書卒各輟朝三日至十四年樊澤以僕射卒廢朝一日十五年黔中觀察使王礎卒特為廢朝以例不定故書之十一月戊戌以齊國大長公主薨廢朝三日己亥

欽定四庫全書

冊府元龜
卷一百七

三

以義陽公主薨起今七日廢朝三日是月罷冬至朝賀以襄王第五男薨廢朝

十七年正月朔御舍元殿受朝賀

十八年正月戊午朔大雨雪罷朝賀

十九年正月朔御舍元殿受朝賀

二十年正月朔御舍元殿受朝賀五月朔罷御宣政殿

二十一年正月朔御舍元殿受朝賀

憲宗永貞元年十月丙申百寮於興慶宮起居皇太子

十一月己亥日南至百寮詣興慶宮起居皇太子

元和元年正月丙寅帝率百寮於興慶宮奉冊太上皇尊號丁卯御舍元殿受朝賀四月御史中丞武元衡奏正衙待制官兩員本置前官以備顧問比來正衙多不奏事又貞元七年更有次對雖議兩置去歲次對已停則待制唯六品清官恐非盡善請自今已後尚書省六品已上諸司四品已上職事官東宮師傅賓詹及王傳等每坐日令兩人

欽定四庫全書

冊府元龜
卷一百七

三

待制退朝詣延英候對從之十二月甲辰日南至權停朝賀羣臣詣興慶宮稱賀皇太后

二年二月己巳宰臣延英罷對起居舍人鄭隨次對詔入面受進止令宣付兩省供奉官自今已後有事即進狀來其次對宜停初貞元七年詔每御延英引見常參官二人訪以政道謂之次對官所以廣視聽也宰臣奏罷時議非之是年六月丁巳朔百官初入待漏院候禁門啟入朝故事建福望仙等門昏而闔五更而啟與諸

里門同時至德中有吐蕃囚自金吾仗亡命因勅晚開宰相待漏於太僕寺車坊至是始命有司各據班品置院於建福門外

三年正月癸未朔以將受尊號元日權停朝賀百官詣興慶宮進名起居皇太后又赴延英門進名奉賀四月勅舊制五月一日御宣政殿受朝賀禮宜停初貞元六年德宗以五月一陰生臣子道長君父道衰非善月也故人之父子必以是月朔面焉遂為常俗臣子一也因

欽定四庫全書

冊府元龜
卷一百七

主

詔以是日御正殿與羣臣相見其後每歲率多權停帝以數術之說經典不載遂罷之十一月甲申日南至權停朝賀羣臣詣興慶宮奉賀皇太后

四年正月戊寅朔御含元殿受朝賀禮畢百官詣興慶宮賀太后

五年正月壬寅朔御含元殿受朝賀十二月制來年正月一日御含元殿受朝賀令所司准式

六年正月丙寅朔御含元殿受朝賀十一月乙巳勅今

年冬至朝賀宜權停十二月庚午以苦寒放朝五日閏十二月壬子勅來年正月一日御含元殿受朝賀興慶宮叅賀皇太后並宜權停

七年正月辛酉朔帝不受朝賀以皇太子薨廢朝故也四月壬子開延英對宰臣以下是月以惠昭太子葬復多雨至是積旬有六日方坐朝十二月戊戌勅來年正月一日御含元殿宜令所司准式甲寅晦宰臣並宿于中書

欽定四庫全書

冊府元龜
卷一百七

主

八年正月乙卯朔御含元殿受朝賀十月丙辰以大雪放朝三日十一月庚戌朔勅權停冬至朝賀

九年正月己酉朔御含元殿受賀百寮退謁皇太子於崇明門乃詣興慶宮候皇太后起居六月癸卯以時暑甚放百官五日叅戊寅以豐州刺史天德軍經畧使周懷義卒廢朝一日經畧使廢朝自懷義始也

十年正月癸酉朔御含元殿受朝賀既退百官赴崇明門通刺謁皇太子又赴興慶宮候皇太后起居三月壬

申朔御延英殿召對宰臣故事朔望日皇帝御宣政殿見羣臣謂之大朝玄宗始以朔望陵寢薦食不聽政其後遂以為常今之見宰臣特以事召也六月勅御史臺自今以後常參官入朝以見到人名銜進來其朔望及雙日莫進十二月勅淮蔡未賓師人暴露而三朝之會萬國來庭舉樂稱慶有懷愧惕其來年正月朝賀宜權停諸軍優賜並准例處分

欽定四庫全書

冊府元龜
卷一百七

五

婦起居皇太后於興慶宮

十二年正月辛酉朔以淮右宿兵不受朝賀十月乙卯隋唐節度使李愬帥師入蔡州執賊帥吳元濟以聞淮西平辛巳御宣政殿受賀九品以上及宗子四夷之使皆會

十三年正月乙酉朔御含元殿受朝賀畢御丹鳳樓大赦天下

十四年正月庚辰朔不受朝賀以東討淄青李師道未

班師故也

穆宗以元和十五年即位閏正月丁巳詔以二月五日御丹鳳樓宣令所司准式二月辛巳太常禮院奏准禮及開元乾元上元元和以來元日及冬至日皇帝御含元殿受朝賀禮畢百寮赴皇太后所居殿門外進名候起居諸親及內外命婦並有朝會參賀之禮伏請准元和元年十月二十三日勅外命婦有邑號者每年元日冬至立夏立秋立冬赴皇太后宮門進名奉參如遇泥雨即停制曰可九月辛酉立冬外命婦詣興慶宮進名候皇太后起居十一月丁未日南至羣臣及命婦赴興慶宮進名奉賀皇太后

欽定四庫全書

冊府元龜
卷一百七

五

長慶元年四月甲午以張弘靖入幽州時幽州劉總納土詔以弘靖代之帝御紫宸殿受朝

時綏定兩河克平交趾北虜納微西

戎請盟京師及四方頻遇豐年天下暫獲晏如也時議者皆以河朔負固不來庭久矣至是不勞師而幽土底定庶幾小康而識者以為止戈偃武皆資治理雖君有仁聖之姿而股肱未稱政令之中外不行既未有以厭於人心則成功不可以偶十一月丁酉以討鎮州勅致稽諸倚伏深懼其兆亂焉

權停今年冬至朝賀

二年正月癸巳朔以幽鎮阻兵不受朝賀

時幽州朱克融因張弘靖

鎮州王庭湊殺田弘正

宰臣率百官泊内外命婦候皇太后起居

於興慶宮八月詔曰夏秋之間嘗多水潦如緣暮夜暴雨道路不通車馬宜便放其日朝叅委御史臺勾當仍每日奏如雨不至甚即不在此例十一月戊午日南至宰臣與百官泊内外命婦候皇太后起居於興慶宮

欽定四庫全書

冊府元龜
卷一百七

五

冊府元龜卷一百七

欽定四庫全書

冊府元龜卷一百八

宋王欽若等撰

帝王部

朝會第二

唐敬宗以長慶四年正月即位二月辛巳縗服受羣臣謁見於紫宸門外之西廊丁亥詔宜令三月三日御丹鳳樓仍令所司准式辛丑御紫宸殿羣臣初展入閣之儀五月詔停諸親王端午叅賀十月癸巳禮儀使奏來月二十三日冬至准故事山陵未祔廟並不合行慶賀之儀其朝賀皇太后請停又十二月乙未勅來年正月一日朝賀宜權停

欽定四庫全書

冊府元龜
卷一百八

寶歷二年正月己巳朔御含元殿受朝賀

文宗太和元年十一月甲申日南至宰臣率百官泊外

命婦詣興慶宮及光順門行朝賀之禮

其年不朝會准詣興慶宮光順

門史闕文下同此

是月中外進獻賀冬如常歲

二年正月戊午朔權停朝賀文武百寮及命婦並赴興